

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), a u vezi sa članom 232. Zakona o privrednim društvima („Službene novine Federacije BiH“, br. 81/15 i 75/21), Vlada Federacije Bosne i Hercegovine, na 7. hitnoj sjednici, održanoj 04.08.2023. godine, donosi

**ODLUKU  
O NEPOSREDNOM SAZIVANJU VANREDNE SKUPŠTINE DIONIČARA PRIVREDNOG  
DRUŠTVA JP „ELEKTROPRIVREDA“ BIH D.D. - SARAJEVO**

**I.**

Vlada Federacije Bosne i Hercegovine neposredno saziva vanrednu Skupštinu dioničara Privrednog društva JP „Elektroprivreda BiH“ d.d. - Sarajevo, koja će se održati dana 22.08.2023. godine u Sarajevu, u prostorijama Poslovno - tehničke zgrade JP Elektroprivreda BiH d.d. - Sarajevo, ulica Vilsonovo šetalište 15., sa početkom u 10,00 sati.

**II.**

Za neposredno sazvanu vanrednu Skupštinu dioničara iz tačke I. ove odluke predlaže se slijedeći Dnevni red:

1. Izbor radnih tijela Skupštine:
  - a) predsjednika Skupštine,
  - b) dva ovjerivača zapisnika.
2. Donošenje Odluke o razrješenju članova Nadzornog odbora Privrednog društva JP „Elektroprivreda BiH“ d.d. - Sarajevo.
3. Donošenje Odluke o izboru i imenovanju članova Nadzornog odbora Privrednog društva JP „Elektroprivreda BiH“ d.d. - Sarajevo.

**III.**

U Odbor za glasanje imenuju se:

1. Kemal Kapić, predsjednik
2. Almedin Skopljak, član
3. Zlatan Gafić, član

Zapisnik na Skupštini društva vodit će Goran Milošević, sekretar društva.

#### IV.

Zadužuje se sekretar Privrednog društva JP „Elektroprivreda BiH“ d.d. - Sarajevo da u skladu sa članom 232. stav (5) Zakona o privrednim društvima („Službene novine Federacije BiH“, br. 81/15 i 75/21) poduzme sve radnje neophodne za održavanje neposredno sazvane vanredne Skupštine dioničara Privrednog društva JP „Elektroprivreda BiH“ d.d. - Sarajevo iz tačke I. ove odluke, uključujući imenovanje zamjenika predsjednika/članova Odbora za glasanje, osiguranje pripreme glasačkih listića i donesenih odluka na skupštini društva za potpis, pribavljanje izjava kandidata o prihvatanju kandidature, pribavljanje Liste dioničara iz člana 229. stav (5), kao i objavu prijedloga dioničara i Obavještenja o neposrednom sazivanju vanredne Skupštine dioničara u skladu sa članom 230. Zakona o privrednim društvima.

#### V.

Zadužuje se Uprava Privrednog društva JP „Elektroprivreda BiH“ d.d. - Sarajevo da omogući provođenje ove odluke i svih zakonom utvrđenih radnji potrebnih za rad neposredno sazvane vanredne Skupštine dioničara iz tačke I. ove odluke.


#### VI.

Zadužuje se Federalno ministarstvo energije, rudarstva i industrije da o ovoj odluci obavijesti Komisiju za vrijednosne papire Federacije Bosne i Hercegovine.

#### VII.

Ova odluka stupa na snagu danom donošenja i objavit će se u „Službenim novinama Federacije BiH“.

V. broj: 1070 /2023  
04.08.2023. godine  
Sarajevo



Na osnovu Odluke o neposrednom sazivanju vanredne Skupštine Privrednog društva JP „Elektroprivreda BiH“ d.d. - Sarajevo, V. broj: 1070 /2023 od 04.08.2023. godine i člana 230. stav (1) Zakona o privrednim društvima („Službene novine Federacije BiH“, br. 81/15 i 75/21), Vlada Federacije Bosne i Hercegovine, objavljuje:

**O B A V J E Š T E N J E**  
**O NEPOSREDNOM SAZIVANJU VANREDNE SKUPŠTINE DIONIČARA**  
**PRIVREDNOG DRUŠTVA JP „ELEKTROPRIVREDA BIH“ D.D. - SARAJEVO**

- I. Neposredno sazvana vanredna Skupština dioničara Privrednog društva JP „Elektroprivreda BiH“ d.d. - Sarajevo (u daljem tekstu: Društvo) će se održati dana 22.08.2023. godine u Sarajevu, u prostorijama Poslovno-tehničke zgrade JP Elektroprivreda BiH d.d. - Sarajevo, ulica Vilsonovo šetalište broj 15., sa početkom u 10,00 sati.
- II. Za neposredno sazvanu vanrednu Skupštinu dioničara Društva iz tačke I. ovog Obavještenja predlaže se slijedeći:

**DNEVNI RED**

1. Izbor radnih tijela Skupštine:
  - a) predsjednika Skupštine,
  - b) dva ovjerivača zapisnika,
2. Donošenje Odluke o razrješenju članova Nadzornog odbora Privrednog društva JP „Elektroprivreda BiH“ d.d. - Sarajevo.
3. Donošenje Odluke o izboru i imenovanju članova Nadzornog odbora Privrednog društva JP „Elektroprivreda BiH“ d.d. - Sarajevo.
- III. Dioničar ili grupa dioničara s najmanje 5% ukupnog broja dionica s pravom glasa ima pravo pisano predložiti izmjenu dnevnog reda i prijedloga odluka Skupštine Društva najkasnije osam dana od dana objavljivanja ovog obavještenja.
- IV. Vlada Federacije Bosne i Hercegovine je Odlukom o davanju prethodne saglasnosti Skupštini Privrednog društva JP „Elektroprivreda BiH“ d.d. - Sarajevo za imenovanje vršilaca dužnosti članova Nadzornog odbora Privrednog društva JP „Elektroprivreda BiH“ d.d. - Sarajevo, ispred državnog kapitala, V. broj: 936/2023 od 18.07.2023. godine i Odlukom o izmjeni Odluke o davanju prethodne saglasnosti Skupštini Privrednog društva JP „Elektroprivreda BiH“ d.d. - Sarajevo za imenovanje vršilaca dužnosti članova Nadzornog odbora Privrednog društva JP „Elektroprivreda BiH“ d.d. - Sarajevo, ispred državnog kapitala, V. broj: 1069/2023 od 04.08.2023. godine predložila slijedeće kandidate za članove Nadzornog odbora ispred državnog

kapitala, na period do okončanja konkursne procedure, a najduže na vremenski period do najviše tri mjeseca, i to:

1. Ženje Ljubuškića, v.d. člana
2. Damira Okanovića, v.d. člana
3. Vedrana Kasera, v.d. člana
4. Milenka Obada, v.d. člana
5. Idhama Kruške, v.d. člana
6. Edina Hamzića, v.d. član.

Biografije predloženih kandidata sa pratećim informacijama i dokumentacijom su dostupne na web stranici Društva ([www.epbih.ba](http://www.epbih.ba)).

- V. Pravo učešća u radu i odlučivanju Skupštine imaju dioničari upisani u listu dioničara JP Elektroprivreda BiH d.d. - Sarajevo kod Registra vrijednosnih papira u Federaciji Bosne i Hercegovine 30 dana prije datuma održavanja Skupštine ili posljednjeg radnog dana koji prethodi tom roku ako on pada u neradni dan.
- VI. Pravo učešća u radu i odlučivanju Skupštine dioničar može ostvariti lično ili putem punomoćnika koji može biti svaka poslovno sposobna fizička osoba ili pravna osoba registrovana za poslove posredovanja u prometu vrijednosnih papira i udruženje sa statusom pravne osobe osnovano i registrovano radi udruživanja i zastupanja dioničara u kojem slučaju ovlasti iz punomoći vrši zakonski ili opunomoćeni zastupnik takve pravne osobe.

Jednog dioničara na skupštini može zastupati samo jedan punomoćnik.

- VII. Dioničar/punomoćnik koji želi učestvovati u radu i odlučivanju Skupštine obavezan je najkasnije tri dana prije datuma određenog za održavanje Skupštine u pisanom obliku podnijeti Odboru za glasanje prijavu za učešće u radu i odlučivanju Skupštine. Prijava se dostavlja Društvu lično, poštanskom pošiljkom, na e-mail: [a.cikotic@epbih.ba](mailto:a.cikotic@epbih.ba) ili na fax broj 033 751 905.

Punomoć za učešće u radu i odlučivanju skupštine daje se nakon objavljivanja ovog obavještenja u obliku pisane izjave potpisane od dioničara i punomoćnika, ovjerene u skladu sa propisima.

Punomoćnik je dužan uz prijavu za učešće u radu i odlučivanju Skupštine priložiti punomoć, a ukoliko punomoć nije dostavljena u originalu, original se dostavlja na samoj Skupštini.

- VIII. Izuzetno, dioničar koji želi pravo glasa ostvariti glasanjem u odsustvu je dužan, najkasnije u roku od 3 dana od dana objavljivanja ovog obavještenja u dnevnim novinama, pisanim putem, podnošenjem prijave za odlučivanje na Skupštini, obavijestiti Društvo da želi pravo odlučivanja na Skupštini ostvariti glasanjem u odsustvu. Društvo će dioničaru dostaviti materijale koji se upućuju Skupštini Društva i glasačke listiće po tačkama dnevnog reda za koje su ispunjeni uslovi za glasanje u odsustvu, na adresu koju dioničar navede na prijavi ili adresu iz Liste dioničara. U dogovoru sa dioničarem, dostavljanje se može izvršiti i putem faksa ili e-mailom. Dioničar je dužan glasačke listiće popunjene, potpisane i ovjerene u skladu sa propisima, dostaviti Društvu najkasnije 3 dana prije dana održavanja Skupštine i to u originalu, putem faksa ili kao prilog elektronske pošte. U slučaju dostave glasačkih listića putem faksa ili kao prilog elektronske pošte dioničar je dužan original istih dostaviti najkasnije do dana održavanja Skupštine.

- IX. Obrazac prijave i punomoći (osnovni elementi) može se preuzeti od Odbora za glasanje u Poslovno-tehničkoj zgradi Društva, ul. Vilsonovo šetalište 15., Sarajevo, kao i na web stranici Društva (prilog Obavještenja o sazivanju Skupštine).
- X. Glasanje na Skupštini Društva odvija se putem glasačkih listića koji sadrže: ime ili firmu dioničara i broj glasova kojim raspolaže.
- XI. Dioničari ili njihovi punomoćnici su dužni da se, uz ispravu za identifikaciju, registruju kod Odbora za glasanje i preuzmu glasačke listiće najkasnije 15 minuta prije vremena zakazanog za održavanje sjednice Skupštine Društva.
- XII. Uvid u materijale dioničar/punomoćnik može izvršiti neposredno u poslovno-tehničkoj zgradi Društva, ul. Vilsonovo šetalište 15., Sarajevo, svaki radni dan u vremenu od 8,00 do 14,00 sati, u periodu od objavljivanja ovog obavještenja do dana održavanja Skupštine.
- XIII. Ovo obavještenje sa materijalima biće objavljeno i na web stranici Društva ([www.epbih.ba](http://www.epbih.ba)).

